

史料旬刊

第十九期

史料旬刊

第二十卷


中華民國十九年十二月一日出版

史料旬刊第十九期

編輯所 故宮博物院文獻館

發行所 神武門外發售室

印刷所 京華印書局



價目表		郵費	
每旬一冊	四角	外埠	每期一角
預定半年十八冊	六元五角	外國	每期二角
預定全年三十六冊	十二元	本院發寄刊物均交郵局掛號遞送以免遺失	
本市 商務印書館 中華書局			
上海 文明書局 世界書局及			
天津 其他各大書店均有代售			

史料旬刊第十九期目錄

高樸私鑿玉石案 原件藏三所

(一) 阿桂等摺

(二) 金簡摺

(三) 阿桂等摺二

(四) 巴延三摺

(五) 高晉摺

(六) 巴延三摺二

(七) 周元理摺

(八) 畢沅摺

(九) 伊齡阿摺

(十) 伊齡阿摺二

(十一) 楊魁摺

(十二) 附片

僧人覺圓等結盟散旗案 原件藏三所

(一) 黃仕簡摺

(二) 吳紹詩摺

(三) 崔應階摺

(四) 崔應階摺二

(五) 崔應階摺三

(六) 李侍堯
鐘音摺

準噶爾夷人進貢案 原件藏三所

(一) 永常摺

(二) 永常摺二

(三) 永常摺三

潮州王朝柱父子偽造印札案 原件藏三所

(一) 李侍堯摺

奉天府尹鄂寶奏報乾隆十七年奉省戶口米穀數目摺 原件藏三所

道光朝外洋通商案 原件藏三所

(一) 富呢揚阿摺

(二) 奕顯摺二

(三) 富呢揚阿片

(四) 盧坤等摺

(五) 盧坤等片

兩江總督鄂容安奏覆嚴禁優伶蓄髮除江蘇等處加意體察外可否勅令閩
蘇州巡撫莊有恭
省一體禁約以端風俗摺 原件藏三所

高樸私鬻玉石案

按高樸以侍郎於乾隆四十一年奉命爲葉爾羌辦事大臣距葉爾羌四百餘里有密爾岱山產玉舊被封禁樸至任奏請開採役使回民數千人私將玉石運往內地售賣並貨買回民金珠不給價值四十三年爲阿奇木伯克色提巴爾第控訴於烏什辦事大臣永貴永貴密奏以聞乃奪其官並籍其家得寄還金玉及葉爾羌任所存金數百銀一萬數千遂以是年九月就地正法樸爲大學士高斌之孫高宗慧賢皇貴妃之姪父恒亦以曾任兩淮鹽政於兩淮節年提引一案侵蝕鹽引餘息三萬二千兩先於三十三年見誅今於故檔中查出玉石案摺奏百餘件嚴鞫窮治株連所及商人奴僕亦鮮倖免其督撫中之辦理不力者並遭譴罰特分數期陸續刊布

阿桂等摺

奴才阿桂福長安金簡喀寧阿謹奏爲奏覆事本月二十日卯刻奴才等接奉諭旨以高樸在葉爾羌索取回子玉石等物並私行販賣情事起自何時實與

何地何人得價若干有無寄京物件應就其在京家人內逐一嚴加查訊至沈姓家奴是否到京現在何處應行文卽行查拿等因欽此竊奴才等昨經查出高樸寄回家書物件各單知沈姓家人現隨在外惟常永李福二人已經遣回在途卽派員沿路查拿並行文托帶信物之侍衛納蘇圖來京備訊等因業經具摺奏聞並將原書單進呈在案今奴才等一面查點物件一面將其家人逐一嚴加訊問內有登記賬目之韓渭據供上年我主兒曾託筆帖式七老爺帶回銀一千五百兩內買涿州地畝用去約八百兩又贖當用去三百多兩年底還米賬銀二百兩其餘添補家用了又有侍衛三老爺帶來我主兒借與熊先生捐州同職銜銀三百六十兩現尙未還又捐加級請封銀一百四十兩並未上捐也於家中零星用去了又幾次有人來帶過玉器綢緞金子等件近時侍衛納老爺又帶了些玉器金子等件來我都知道大概的至常永李福二人帶有銀子回來的話是我主兒信上寫來的却沒有銀數等語又訊據管理地畝之達靈阿供稱我主兒出差後在涿州置了兩頃有零地畝共價銀七百六十四兩又今年三月買了東邊房子兩所共銀一千三百兩是向兵部宋老爺借

的銀子現在本利還沒有還他呢又有舊年買的京東地畝共銀二千六百兩是主兒在葉爾羌與中老爺買成的其銀子也在葉爾羌兌付的至常永聽說是有銀子帶回但不見他同侍衛納老爺回來據納老爺說同走了幾站卽落下在後大概也跟綽大人來了又聽得納老爺說常永隨後還帶有皮張等件裝在皮箱內小的不敢隱瞞等語又訊據顧本供上年冬間筆帖式七老爺帶來的包裹四個是我送交主母收的中間像有銀子等件我不曉得細數至常永起初原聽說跟納老爺來如今總不見到大約也跟綽大人回來了又訊據長生供我主兒上年買中老爺的地畝是王七即雙印從葉爾羌回來收清交我取租的每年是一分錢租價今年十月纔該取租起呢至主兒寄回玉器等件是我同顧本送交主母我也曾見過幾件詳細不得知道也不曾見賣過玉石等語奴才等又查高樸家書內有納侍衛到京令二阿哥雙慶陪他吃飯之語恐其亦係知情隨傳雙慶據供我是高樸從堂姪現當官學生我叔子出差後我不過在嬸母家走動一切家書物件並不給我看見那納侍衛到京原叫我陪他吃過飯至一切問話是顧本代嬸母問的我也在旁聽見問他帶來物

件賬目因何不符據納侍衛答稱常永身邊還有皮張等物在後呢納侍衛吃完了飯我嬸母出來見他問的也是這個話至他送過東西沒有我不曾看見此外事情我不知道等語又傳訊高樸胞弟拜唐阿高杌據供我胞兄出差後除寄我綿紬袍料一疋玉扳指一個銀五十兩外並無別項東西如有隱匿情甘認罪等語奴才等查高樸於上年四月間始抵葉爾羌乃於上年八月間即託帶寄京銀兩前後已有二千餘兩之多而其他金子玉器緞疋等件陸續寄回又復不少是其到任未久貪黷妄行情形已確但查其家內止有京錢五吊而寄回銀兩並無存留殊難憑信即使買地還賑贖當以及零星用去亦斷無全行用盡之理而其家人等俱堅不吐實奴才福長安金簡喀寧阿因於各家人住屋內各處搜查始在家人常貴住房地內創出元寶二十五個元寶餅五個又五六兩重之鏤子十三個及衣服等件隨訊據常貴供今年六月有侍衛德老爺交來我兄弟常永帶回箱子一隻內有銀子一千兩及皮統等件交我母親收下至八月內又有侍衛納老爺替我兄弟帶回箱子二隻內有銀一千二百兩及洋毡三條也交在我家內因我在後街屋內住十八日早聽見查抄

我主兒家產我就將銀兩埋在爐坑及院子地內的至兩項銀子是我兄弟自己的不是我並不知道但據帶來的老爺們說我兄弟叫交到我家裏好生收着內一千兩一宗我已私自用去三百多銀子是實奴才等查此二項銀兩共有二千二百兩其是否卽係高樸交常永帶回之銀抑係常永本人之物而高樸所寄銀兩尙未到來或另有隱匿之處應再嚴切根究勿使稍有藏躲至查出玉器雖與寄回原單大略相符但高樸旣在葉爾羌將大塊玉石私行發賣豈無帶回京中交其家轉行售賣取利之事奴才等先向其胞弟高栻堂姪雙慶詰訊以爾家世沐國恩從前高恒犯罪之後皇上又加恩爾家將高樸用至侍郎今伊如此營私不法爾等若再不據實供出不但辜負天恩並且一並有罪還不趁早供吐麼復據高栻雙慶供我等俱係另居他家中的事實不能詳細曉得並不聽見有售賣玉石的事奴才等復將其家人韓渭等隔別嚴訊並掠刑嚇問且諭以爾等若從實說明並無干涉倘稍有隱瞞你主兒在外供出爾等倒有不是了復據同供我主兒寄回玉器原不少現俱存貯家中但實無成塊玉石帶來亦並不曾見賣過況有屢次寄回的原賬可以查點得的今蒙

如此開導安敢再有隱匿等語至其所供有無不實不盡之處再行嚴切審訊務得實情至沈姓家人既現隨高樸在葉爾羌想永貴自必就近提訊俟其錄供具奏到日即可核對再據韓渭等所供高樸借與熊姓捐職銀兩查係何人是否實未清還及置買房屋所借兵部宋姓銀兩是否確實實係何人現在一並查傳質訊再行核辦再常貴一犯既有私埋銀兩則此外家人保無亦有藏匿之事現在逐一嚴鞫遍搜不令絲毫隱匿至查出高樸寄京之玉器皮張等物件內有與原單相符者亦有短少數件者並有於單外增出者理合分晰開單恭呈御覽其短少物件現據達靈阿等供常永身邊尚有帶來物件是否即係單內所短之物統俟解到再行查對除將現在查抄高樸家產及家人沈太常貴家內搜出銀兩物件另摺開單具奏外所有奴才等奉到諭旨查訊緣由理合恭摺奏聞伏祈皇上睿鑒謹奏乾隆四十三年九月二十一日硃批已有旨了

奴才金簡跪奏竊奴才奉旨會查高樸家產以奴才與高樸同係內務府人員特蒙聖慈飭諭訓勉有加感激微忱莫能言喻奴才與高樸不但同係內務府人兼關親誼即現在查出高樸家書單內有寄奴才物件現存家內而上年冬間尚有寄奴才玉扳指二個小玉鏡一個不敢隱匿奴才仰蒙皇上天恩至深極厚止知上圖報効豈敢稍涉瞻徇況高樸身犯重罪即骨肉至親亦不能稍爲隱護奴才至愚何敢自取咎戾如有絲毫情弊實自難逃聖明洞鑒爲此謹奏硃批覽

阿桂等摺二

奴才阿桂福長安金簡喀寧阿謹奏爲奏聞事奴才等奉旨查抄高樸家產所有查出由葉爾羌帶回玉器金珠等項及審訊各家人供詞另摺開單具奏外奴才等詳查得高樸現有住房一所計一百十三間取租房五十間坐落涿州等處地四十二頃八畝家人男婦大小八十名口大制錢十五串大小玉器八十四件人參二兩金銀花四十二枝又零星首飾九兩銀杯盤匙三十七件皮

棉夾單衣共二百四十八件各色皮褂簫十一件銀鼠三百二十個羊羔皮七百二十張緞紬紗六十八塊珊瑚手串一掛珊瑚帽頂三個香木朝珠七盤鐘二架銅器四十六件錫器一百零一件新舊房地人口契紙五十九張並一切居家所用零星什物及海甸陳府地方房屋一所計二十七間並一切應用木器等項並將查出家人常貴沈太家產及隱匿銀兩一切物件相應分晰繕寫清單恭呈御覽伏候命下將房間銀錢交內務府地畝交戶部人口交該旗照例辦理其玉器衣服及一切什物俱交崇文門分別辦理所有查出高樸由葉爾羌寄來玉器等物奴才等遵旨逐一點明嚴密封識俟回鑾時呈覽外其餘什物內有應行進呈者奴才金簡會同奴才和坤另行詳細查明呈覽外至高樸所有房地財產除現在查出之外有無隱匿寄頓之處交該旗另行詳查核辦奴才等仍一面差派內外妥幹番役密行查訪倘續有查出者再行辦理爲此謹奏請旨乾隆四十三年九月二十一日硃批「覽」

山西巡撫臣覺羅巴延三跪奏爲遵旨覆奏事竊臣於本月二十一日途次沁州接准大學士于敏中字寄乾隆四十三年九月十七日奉上諭昨據永貴奏阿奇木伯克色提巴爾第控告高樸在葉爾羌私採玉石運送回京各款已降旨將高樸革職究審矣據控稱高樸曾遣家人進京送回銀兩諸物等語其家人既已在途恐聞知高樸之事將銀兩物件沿途寄匿或併竊取潛逃俱未可定著傳諭沿途各督撫飛飭各屬留心盤詰如有高樸家人過境即行鎖拿並將伊隨帶物件嚴密搜查派委妥員一併解送至京審訊除就近諭知周元理外將此由五百里諭令巴延三等知之仍各將作何辦理緣由有無盤獲之處即行覆奏欽此遵旨寄信前來臣伏思高樸家人既送銀兩諸物回京若在途聞知高樸事發誠如睿慮勢必沿途寄匿或併竊取潛逃自應趕緊留心盤詰嚴拿解究晉省爲西來孔道且自永濟以至平定入境出境道里綿長臣即就近嚴密飛行各府州縣上緊留心盤詰並飛飭兩司查辦外仍一面遴委候補同知洪蕙前赴平定至永濟沿途一帶往來嚴密訪查務期拿獲高樸家人及所携銀兩諸物委員解京審訊並嚴飭各屬暨委員等實力查拿勿涉聲張倘

致該家人聞風匿跡或竟遠颺定將不能實力辦事之員嚴行參處除俟盤獲到日再行奏解外所有臣現在遵旨飛飭各屬並委員嚴密查拿緣由理合先行奏聞伏乞皇上睿鑒謹奏乾隆四十三年九月二十三日硃批「毋視為泛詳常例也」

高晉摺

奴才高晉謹奏爲瀝陳愧悚微忱恭摺請旨事竊奴才在時和驛工次知河南撫臣鄭大進遵旨行文各屬查拿高樸所差家人運送私採玉石進京之事奴才聽聞之下不勝惶悚憤恨伏查奴才之侄高樸自奉命差赴葉爾羌辦事之後並無隻字往來惟今春高樸差家人赴蘇辦貢路過江寧寄奴才家信一次不過通候之意嗣奴才屢次公出在外其家人幾時赴蘇曾否回京奴才處亦無信息今高樸既在葉爾羌私採玉石運回內地其辦貢家人自必知情

硃批此時

方疑至此乎

或即交其在蘇售賣亦未可定奴才現即飛札蘇州撫臣楊魁密速查拿嚴搜究明據實奏辦如已起程亦即查明根由追拿解京究審

硃批不待汝如此急公無

也。至高樸竄蓋不飭辜負皇上天恩皆奴才平日不能教導所致而家門有此玩法之人奴才愧恨悚懼無地自容惟有仰懇聖恩將奴才一併交部治罪庶奴才之心稍安所有奴才聞信查拿辦理緣由並愧悚微忱理合恭摺具奏伏乞皇上恩鑒謹奏乾隆四十三年九月二十四日硃批另有旨諭

巴延三摺二

山西巡撫臣覺羅巴延三跪奏爲奏聞事竊臣於本月二十一日途次沁州接奉廷寄飭查高樸家人過境卽行鎖拿將伊隨帶物件嚴密搜查臣卽於途次飛行各府州縣上緊盤詰遴委候補同知洪蕙前赴平定至永濟一帶往來嚴密查訪當將飛飭查辦緣由先行奏聞在案臣因現署交城縣事試用通判高杞係高樸胞弟臣卽由沁州一面檄委知州李端黼馳往交城密訪有無高樸家人潛匿及寄頓物件並飭調高杞來省親加查訊去後臣於二十四日回省據委員李端黼稟覆卑職前往交城乘其未經知覺密加訪察高杞自閏六月到任後並無葉爾羌差人來往復進署查看高杞署中物件祇有伊兄從前寄